

خزینہٴ اوراق

نمبر
۲۹

تاریخ تالیس
۱ مایس سنہ ۱۲۹۷

جمعہ ایرتسی

عمومی اعتباریہ قانونہ دائر رسالہٴ ادبیہ در

آیدہ درت کرہ اولہ رقی جمعہ ایرتسی کونلری چیقار

هر برمه بردن دامله اغش جه سنه چهره خشم و کین الودم احرار
وامضطراری ایله قیب قزیل کیلور .

آیا مملکتک علیهنده سویلیان وتدنسیله ذوقیاب اولان کسه
بنم کبی بر ترک اولور وشو بد بختلغه اجتسار ایلر ایسنه یاملی؟
طعن وتشنیع ایله اغلاملی! بشقه چاره اولورمی؟ زیرا نام
بهجت اتسام «وطن» که یوقارودن بری تعریف وتوصیفنه
چالایورم! بو کبی کسان یاننده معاندن بری وبالقان طاغلریله
اطه لر دکزی ویا ارضروم جوارندن بصره کورفرزینده قدر
سوروب کیدن طاغلر ایله قره ومرمره وجزایر وآق وشاب
وهند دکزلی یاخود بحر سفید واحر ایله افریقا چوللرینه قدر
متد اولان جبال واودیه وبریه میاننده کی اراضیدن بشقه سنی
افاده دن عاریدر! فصل که اجنبی برسیاح وطنی شو سویلدیکم
یولده تلقی ایدر! وترقی وتدنسی ایله حیاته بر شی کلز! فقط
بنم یاننده وطنم ولوکه دیار سائریه نسبتله بعض مرتبه
تزینات مدنییه وصناعیه دن محروم اولسون! دنیالره مرجدر!
زیرا بنی آغوش تریده سنه الوب بویودن وطندر! اجدادی
اوزرنده بسلیمان وطندر! عثمانلوری بر عشرت ایکن قوجه
بر دولت ایدن ینده او وطن عزیزدر علیهنده بولتان بد قام
و بی نشان اولسون!!

رشید بک

روزگار وفورطنه — مابعد

بو کبی روزگار لر خط استوادن قطبلره طوغری هوای نسیمیک

بالندریخ ایلرولمسندن حصوله کلور لکن هر وقت قطع ایدرکری مسافه او قدر واسع اوله من چونکه گذرگاهلرنده بولتان سواحل و طاغلر شدت لرینی دائما تخفیف و سرحتلرینه ممانعت و استقامت لرینی تبدیل ایدرلر .

موسم یلاری ایسه موسملرک دکشمسبله استقامت لرینی دکشد . بررلر بوروزکارلر بحر محیط هندیده جنوبدن غربه طوغری الی آی مقادیا یعنی نیسانک اون بشندن ایلولک اون بشند قدر و شمالدن شرقه طوغری دخی ایلولک اون بشندن نیسانک اون بشنه قدر ینه الی آی اسرلر برهزیلیاده بوروزکارلره مشابه بهار موسمنده شمالدن شرقه طوغری برروزکار دها واردلر .

موسم یلاری اکثریا یازین دوام ایدوب قیشین اسمزلر بوکا سببده سواحل ایله دکرلرک هوا سنده اولان فرقلردر .

اق دکرده دخی درلو درلو موسم یلاری موجوددرکه بونلر یازین جنوبدن شماله وقیشین شمالدن جنوبه طوغری اسرلر بونک سببی صحرای کبرده واقع هوای نسیمیک یازین کسب حرارت وقیشین کسب برودت انلسیدر .

سرین و خفیف برنوع روزکار دها اولوب انجق سواحلده حس اولنور و هرکون بعضاً قره دن دکره و دکردن قره ده طوغری اسرکه بوکا بادعا صف دینلور بناء علیه کرک قره ده و کرک دکره مخصوص ایی درلو باد عاصف واردلر دکره مخصوص اولان باد عاصف اوروبا طرفلرنده اکثریا صباحرلی باشلایوب اوکلده دن

اوج ساعت صکرہ قدر کسب شدت ایدر واندن صکرہ خفیف ثوب
قرہ یہ مخصوص اولان باد غاصف باشلایه رق کیچہ صباح قدر
امتداد ایلر بونک سبی کوندز حرارت شمسک کرک دکر و کرک
قرہ اوزرینه وقوع اولان تأثیرات مختلفه سیدر فی الواقع صباح
کونشک نشر ایتدیکی حرارتک دکر دن زیاده قرہ یہ تأثیری وارد
دکرک اوزرنده بولنان هوا دکرک بروقتی سبیلہ طبیعی بردنبرہ
قرہ ده کی هوا کبی ایصنه مدیغندن درحال هوای مذکور قرہ یہ
هجوم ایدر کونشک غروبنده قرہ اوزرنده بولنان هوا دکرده
اولان چاپوق صغومغه باشلادیغندن همان دکره طوغری هجومه
باشلار اشته اکثریا صباح اقشام روزکارلرک دکشمسند سبب
شوحالدر .

اوزاق محللردن استانبوله کلان روزکارلر یکدکلی ممالک مزاج
وهواسندن بر مقدارینی ده برابر اوله رق الوب کتوررلر بزه
پویراز روزکاری قطب شمالده کی بوزلردن یکدیکی واورالده کی
صغوقدن بر مقدارینی الوب کلدیکی ایچون دائما سریندر لدوس
روزکاری دخی بالعکس جنوباً افریقا چوللرندن و صیجاق محللردن
کلدیکی ایچون اورالک حرارتی برابر کتوردیکندن اکثریشله
صیجاق اسر .

غرب طرفندن کلان روزکارلر بخار ابله ملو اولوب بحر محیط
اطلاسیدن کچدیکی جهته یالکز رطوبتلو اولیه رق دائما یاغور -
لودرلر شمال غربی روزکاری دخی عینله بوسبدن طبق
غرب روزکاری کبیدر هر حالده روزکار بلوطلردن صغوق
اولورسه یغموره تحول ایدر یوق بالعکس صیجاق اولدیگی

تقدیرده هوا ایچنده اولان کوزه کورنمز صوطامله‌لی کبی هوانک
برودتی ائناسنده بلوط اوله‌رق کورینه‌ورلر وانلری بخار
حائنده کچورلر اشته روزکارلر بعضا یغمور و بعضا ایو هوایی
بوصورتله حاصل ایلرلر .

برطاقم مشهور صیحاق روزکارلر دها واردرکه بونلر بلاد
حاره‌ده واقع قوم صحرالزندن کچدکلرندن دائما صیحاق اوله‌رق
اسرلر ایرانده عربستانده و افریقای شمالده بوروزکارلر سام
یلی تسمیه اولنورکه شهرتی پایتخت سلطنت سنیده پک فنا اولوب
عادتا انسانی هلاک ایدر دیه اعتقاد ایدیلور بوکا طرابلس غریبه
قبله روزکاری دیورلر .

فی‌الواقع بوروزکار فوق‌العاده صیحاق اولان برطاقم محللردن
کچدیکی ائشاده کونشک حرارتندن اتش پارچه‌سی کبی بولنان قوم
دانه‌لینی دخی یردن قالدیره‌رق برابرنده کوتورر اشته بونک
ایچون طبیعی اوروزکارده براغرلق واردر باخصوص شدتلی
اسدیکی وقت اوقدر زیاده قوم قالدیره‌رقه عادتا هوایی قرانلق
ایدر کونش کورنمز و بوقوم انسانک اغزندن برونندن کیره‌رک
برچوق امراض داخلیه‌نک حصولنه بادی اولور اورالزده بولنان
ادملر بوفلاکتدن کندیلرینی محافظه ایچون یوزلرینه کوزلرینه برطاقم
شیلر صارارلر حیوانات سائره ایسه روزکار اسمکه باشلادیغی انده
ارقه‌لرینی روزکاره قارشو دونه‌رک برونلرینی یره طوغری ایکر-
لرسده ینه اکثریا تلف اولورلر .

بویله قوم صحرالزنده اک‌بیوک مخاطره‌لردن بری‌ده عدم تبخرات
سببیه صونک فقداقدر هر تقدیر اوزاقدن اوزاغه بعض قیو-

له تصادف اولنورسده ایچرولرنده صو بونمز اشته تلفاتک
اک چوغی صوسزلقدن نشأت ایدر .

بالاده بیان اولندیغی اوزره روزکارلر متنوع اولوب کیمسی
مقادیا برسنه کیمسی موسملرک تخلفنه تابع اولهرق برای ایکی ای
والحاصل زمان زمان دکشدرک اسرلر .

دکزلره کلنجه مثلا بحر محیط معتدله غایت جسم نهرلرکی
آقنتیلر موجود اولوب بونلرک جریانی دایما بر استقامتمده در
مذکور آقنتیلر ازمنه قدیمده دخی معلوم اولوب کمچیلر
بونلردن پک چوق استفاده لر ایدرلردی مثلا چیققلری لیمانلر
ایله کیره جکلری لیمانلر ارسنده اولان مسافات بعدیه بی مدت
قلیله ظرفنده آقنتیلرک یاردمیله طی ایدرک ساحل مقصوده واصل
اولورلردی فقط اسکیلرک بو احوالی انجق اشبو عصر اخیرده
علمانک نظر دقتی جلب ایتمکه باشلایهرق روزکارلرک واقنتیلرک
احوال و جریان وسرعتلری کمال دقت ایله تدقیق اولنمش
ودکز سیاحتلرینک مسافه ومدتلری پک زیاده تنقیص ایدلمشدر .
مثلا نیورق ایله فرانچسقوارسنده اولان مسافه مقدما یوز
سکسان کونلک ایکن بوکون یوزکونه وانکلتره یله فلنک جدید
میاننده بولنان اوزاقلق ایکی یوز الی کونلک ایکن نصفه تنزیل
اولنمشدر .

باقی